

# 佛说右绕佛塔 功德经

唐于闐三藏实叉难陀译



南無本師釋迦牟尼佛


## 说明

本简体校正版《佛说右绕佛塔功德经》电子书，根据《乾隆大藏经》大乘单译经，第 0454 部，唐于闐三藏实叉难陀译《佛说右绕佛塔功德经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年二月



扫码关注仁慧草堂微信公众号



## ● 起诵仪

### 香赞

(一遍)

炉香乍爇. 法界蒙薰. 诸佛海会悉遥闻. 随处  
结祥云. 诚意方殷. 诸佛现全身.

南無香云盖菩萨摩诃萨 (合掌三称)

### 净口业真言

(三遍)

唵. 修唎修唎. 摩诃修唎. 修修唎. 萨婆诃.

### 净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

### 安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

## 普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

## 开经偈

(一遍)

无上甚深微妙法 百千万劫难遭遇  
我今见闻得受持 愿解如来真实义

# 佛说右绕佛塔功德经<sup>1</sup>

唐于闐三藏实叉难陀译<sup>2</sup>

如是我闻：

一时，佛在舍卫国祇树给孤独园，与大比丘僧及余无量众俱，前后围绕。

尔时，长老舍利弗即从坐起，偏袒右肩，右膝著地，合掌向佛，以偈请曰：

大威德世尊 愿为我等说  
右绕于佛塔 所得之果报

尔时，世尊以偈答曰：

右绕于佛塔 所得诸功德  
我今说少分 汝等咸善听  
一切诸天龙 夜叉鬼神等  
皆亲近供养 斯由右绕塔  
在在所受生<sup>3</sup> 远离于八难  
常生无难处 斯由右绕塔  
于一切生处 念慧常无失  
具足妙色相 斯由右绕塔

<sup>1</sup> 大正藏：右绕佛塔功德经

<sup>2</sup> 大正藏：大周于闐国三藏沙门实叉难陀等奉 制译

<sup>3</sup> 大正藏：生处；永乐北藏及龙藏：受生



往来天人中 福命悉长远  
常获大名称 斯由右绕塔  
在于阎浮提 常生最尊胜  
清净种性<sup>4</sup>中 斯由右绕塔  
仪貌常端正 富贵多财宝  
恒食大封邑 斯由右绕塔  
财宝恒<sup>5</sup>盈积 而无悭吝心  
勇猛广惠施 斯由右绕塔  
色相净微妙 见者皆欣仰  
所住常安乐 斯由右绕塔  
或为刹<sup>6</sup>利王 妻子悉具足  
威势力自在 斯由右绕塔  
或作婆罗门 持戒善通达  
呪术围陀典 斯由右绕塔  
或为<sup>7</sup>大长者 豪贵多财产  
仓廩常丰足 斯由右绕塔  
或为<sup>8</sup>正法王 自在王阎浮  
率土咸归化 斯由右绕塔  
或为具七宝 大势转轮王

<sup>4</sup> 大正藏：姓

<sup>5</sup> 大正藏：常

<sup>6</sup> 大正藏：忉

<sup>7</sup> 大正藏：作

<sup>8</sup> 大正藏：作

十善御群生 斯由右绕塔  
从此生天上 常有大威德  
净信于佛法 斯由右绕塔  
净信速成已 于法无迷惑  
见诸行皆空 斯由右绕塔  
从天上舍命 下生于人中  
入胎不迷乱 斯由右绕塔  
在于母胎中 垢秽所不染  
如净摩尼珠 斯由右绕塔  
处<sup>9</sup>胎及生时 令母常安乐  
饮乳亦复然 斯由右绕塔  
父母及亲戚 一切共鞠养  
乳母常不离 斯由右绕塔  
眷属皆爱念 超过其<sup>10</sup>父母  
资财自增长 斯由右绕塔  
夜叉诸恶鬼 不能暂惊怖  
所须自然得 斯由右绕塔  
经于百千劫 其身转清净  
妙色相成满 斯由右绕塔  
净眼修且广 犹如青莲花

<sup>9</sup> 大正藏：在

<sup>10</sup> 大正藏：于

兼得净天眼 斯由右绕塔  
妙色常圆满 诸相自庄严  
成就大势力 斯由右绕塔  
或生帝释宫 大威势自在  
忉利天中尊 斯由右绕塔  
或生须夜摩 兜率陀天宫  
化乐及他化 斯由右绕塔  
或复生梵天 梵世最自在  
诸天常供养 斯由右绕塔  
亿那由他劫 常为诸智人  
恭敬而供养 斯由右绕塔  
其身及衣服 亿劫常无垢  
具足白净法 斯由右绕塔  
具大精进力 勤修种种行  
未尝有疲懈 斯由右绕塔  
勇猛常精进 坚固不可坏  
所作速成就 斯由右绕塔  
深远微妙音 闻者皆欢喜  
安乐常无病 斯由右绕塔  
如我所演说 厌舍三有苦  
成就出世智 斯由右绕塔  
常在四念处 及以四正勤



四如意神足 斯由右绕塔  
了达四真谛 根力七觉分  
正道及圣果 斯由右绕塔  
灭一切烦恼 具足大威德  
无漏六神通 斯由右绕塔  
永离贪恚痴 及一切障碍  
证独觉菩提 斯由右绕塔  
得妙紫金色 相好庄严身  
现作天人师 斯由右绕塔  
皆由以身业 及语业赞叹  
右绕于佛塔 成<sup>11</sup>此大利益  
右绕诸佛塔 所得功德聚<sup>12</sup>  
我今随所问<sup>13</sup> 略说讵能尽

尔时，世尊说此偈已，舍利弗等一切众会，皆大欢喜，信受奉行。

佛说右绕佛塔功德经<sup>14</sup>

<sup>11</sup> 大正藏：获

<sup>12</sup> 大正藏：诸功德；永乐北藏及龙藏：功德聚

<sup>13</sup> 大正藏：闻

<sup>14</sup> 大正藏：右绕佛塔功德经

## ● 结诵仪

### 补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

### 补阙圆满真言

(三遍)

唵. 呼嚧呼嚧. 社曳穆契. 莎诃.

### 普回向真言

(三遍)

唵. 娑麼囉. 娑麼囉. 弭麼曩. 萨嚧诃. 摩诃斫迦囉嚧吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩诃萨 (合掌三称)

南無护法诸天菩萨 (合掌三称)

## 礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘沉，逐色声而贪染。十缠十使，积成有漏之因；六根六尘，妄作无边之罪。迷沦苦海，深溺邪途。著我耽人，举枉措直。累生业障，一切愆尤。仰三宝以慈悲，沥一心而忏悔。

所愿能仁拯拔，善友提携。出烦恼之深源，到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普



贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

## 回向偈

(一遍)

愿以此功德 庄严佛净土  
上报四重恩 下济三途苦  
若有见闻者 悉发菩提心  
尽此一报身 同生极乐国

## 三皈依

(一遍)

自皈依佛，当愿众生，体解大道，发无上心；  
自皈依法，当愿众生，深入经藏，智慧如海；自  
皈依僧，当愿众生，统理大众，一切无碍。和南  
圣众。



此咒置经书中可灭误跨之罪

南无护法韦驮尊天菩萨

